

hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Kiekie Mikaere.
2. Haami Taupo.
3. Toko te Mataku.

4. Mika te Tawhao.
5. Wharetuna Heremia.
6. Taihakoia Poniwahio.

GILBERT MAIR (Tawa).  
D. F. G. BARCLAY (Pakere).  
PARATENE NGATA.

#### TE POROPORO PORAKA.

*Piira Nama 38.*—A Mehaka Tokopounamu me etahi atu. Ko tenei piira i unuhia e Mehaka Tokopounamu i te aroaro o tenei Komihana i Whakatane i te 9 o nga ra o Hanuere, 1907; a i te mea kaore he kai-whakahe, ka tohutohu atu nei matou me whakakore atu tenei piira, a me whakapumau te ota tuatahi.

Ko nga tangata e ono e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Te Mataku Papita.
2. Wharetuna Heremia.
3. Heremia Heremia.

4. Te Wharepouri te Amo.
5. Taihakoia Poniwahio.
6. Puihi Marutawhao.

GILBERT MAIR (Tawa).  
D. F. G. BARCLAY (Pakere).  
PARATENE NGATA.

#### TAPATAHI PORAKA.

*Piira Nama 41.*—A Tamehana te Puia me etahi atu; he tono kia whakaurua etahi ingoa tangata hou e waru ki roto ki te ota. I ata whakahaerea tenei piira e tenei Komihana, a he nui nga korero i homai.

Ki ta matou titiro e tika ana, kua u taua kereme; a me whakauru aua tangata ki te ota, hui katoa kia kotahi rau nga hea mo ratou.

Kua apititia atu e matou he rarangi e whakaatu ana i o ratou ingoa e waru, me o ratou hea—timata i te Nama 133 tae noa ki te Nama 140—hei hononga atu ki te ota.

A ki ta matou whakaaro me whakatikatika te ota i runga i te whakauruhanga atu o aua ingoa me aua hea, ka hui katoa ai ki nga hea tuatahi, 1,323 nga hea i roto i te ota.

*Piira Nama 39 me 40.*—A Te Whenuanui, me Te Rahui Hoera. I tonoa mai i raro i enei piira kia whakanukuhia ake te paanga o Hera Kereti—Nama 53 i roto i te ota—i te tekau hea ki te rua tekau hea.

Kaore i whakahengia tenei tono; a ko era atu take katoa o aua piira kua unuhia atu e nga kai-piira.

E tohutohu atu ana matou me whakapumau tenei whakaotinga, a me whakatika te ota kia hangai ai ki nga tikanga kua tohungia ake nei.

Ko nga tangata e ono e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Heremia Heremia.
2. Te Rahui Hoera.
3. Rangiteremauri Mihaka.

4. Tamehana te Puia.
5. Paora Kingi Paora.
6. Kiriahuru te Whenuanui.

GILBERT MAIR (Tawa).  
D. F. G. BARCLAY (Pakere).  
PARATENE NGATA.

#### TE WAIPOTIKI PORAKA.

*Piira Nama 42.*—A Te Iwikino Hairuha me etahi atu. I unuhia tenei piira e Akuhata te Kaha mo te taha ki a Te Iwikino i te 1 o nga ra o Pepuere, 1907. No reira e tohutohu atu ana matou me patu atu tenei piira.

*Piira Nama 46 me 47.*—A Akuhata te Kaha me etahi atu. I whakahaerea enei piira e rua e Akuhata te Kaha; tono mai ana ia kia whakaititia iho nga hea o etahi tangata e ono tekau ma rima i roto o te ota, a ko nga ingoa o etahi atu tangata kotahi tekau kia whakakorea atu i roto i te ota.

Ki ta matou whakaaro kaore i tika te keehi a te kai-piira na kona ka tohutohu atu nei matou ko enei piira e rua me whakakore atu.

*Piira Nama 43 me 44.*—A Te Anewa Piripi me etahi atu, me Matiu te Kurapa me etahi atu; he tono whakauru i etahi ingoa tangata hou e whitu ki roto ki te ota.

E tohutohu atu ana matou me whakauru atu aua tangata; a kua tapiritia atu e matou he rarangi e whakaatu ana i o ratou ingoa me o ratou hea—timata i te Nama 528 tae noa ki te Nama 534—hei hono atu ki te ota.